

光緒江西通志

江西通志卷六十九

建置略二

廨宇三

南康府

上諭亭在舊星子縣署南百步許城隍廟右芝華橋旁

國朝始建

府志

知府署在舊子城內宋爲軍治太平興國七年創元豐

閒知軍徐思回增建直節堂

蘇轍記南康太守廨事之

徐君望聖之所作也庭有八杉長短巨細若一直如引繩高三尋而後枝葉附之炭然如揭太常之旗如建承露之華凜然如公卿大夫高冠長劍立於王庭有不可犯之色堂始爲軍六曹吏所居杉之陰府吏之所踞伏而簿書之所填委莫知貴也君見而憐之作堂而以直節命焉夫物之生未有不直者也而不幸而風雨撓之巖石軋之然後委曲隨物不能自保雖竹箭之良松柏之堅皆不免於此惟杉能遂其性不扶而直其生能做冰

雪而死能利棟宇者與竹柏同而以直過之求之於人  
蓋所謂不待文王而興者邪徐君溫良汎愛所居以循  
吏稱不爲瞰察之政而行不失於直觀其所說而其爲  
人可也詩曰惟其有之是以似之堂成君以客飲於  
堂上客醉而歌曰吾欲爲曲必屈曲不可爲乎吾欲  
爲直爲直必折直可爲乎有如此杉特立不倚散柯布  
葉安而不危乎清風吹衣飛雪滿庭顏色不變君來燕  
喜乎封植灌漑剪伐不至杉不自知而人是依乎廬山  
之民升堂見杉懷思其人其無已乎朱子跋直節堂  
記右南康軍治直節堂記樂城蘇文定公爲郡守徐君  
師回望聖作又手書而刻石焉自元豐乙丑距今淳熙  
己亥凡九十有五年而新安朱熹來領郡事問堂所在  
則既無有而杉亦不存求其記文則又非復故刻而委  
之他所矣於是歷訪郡之老人竟無有能言其處者蓋  
自元豐至今其間世故亦多變矣然建炎羣盜於今纔  
五十年舊迹蕪滅未應至此意者斯堂之毀其在紹聖  
黨論之時乎撫事興懷慨然永歎顧郡方貧而民已病  
正使堂之故基尚在勢亦不能以復於其舊獨聽事  
有堂無額而庭中有老柏焉焚斲之餘生意殆盡而不  
立不僵如志士仁人更歷變故而剛毅獨凜凜然不  
者因取直節之號寓之此堂而輦記石陷壁間且欲盡  
去庭之凡木雜植杉柏以勢歸前賢之遺意則既非時  
而嘉亦以病告歸矣嗚呼後之建炎三年兵燬紹興間  
君子其尚有以成予之志也夫

知軍晏孝本重建紹熙中知軍曾集建冰玉堂

朱子記

君曾侯致虛既脩葺屯田劉公之墓明年乃訪得其故  
居還趾於郡治之東暇日屏騶馭披荆棘而往觀焉問  
其北隱然以高者則劉公所賦之東臺也顧其南窳然  
以下者則詩序所指之蓮池也蓋自兵亂以來蕪廢日  
久唯是僅存其他則皆漫滅不可復識矣曾侯爲之躊  
躇四顧喟然歎曰凝之爲父道原之爲子其高懷  
勁節有如歐馬蘇黃諸公之所道是亦可謂一時之人  
豪矣想其平日之居此林塘館宇之達此邦者亦得以  
既有以自適其適而一其遊且宦於此百年之外臺傾  
門避席而考德問業焉何其盛也顧今百年之外臺傾  
沼平鞠爲蕪莽而使樵兒牧子皆得以蹴躑躅於其  
上又何其可悲也雖然此吾事也不得以不勉乃出少  
府義錢贖之民閒垣而講之以合於郡圃紫石以崇其  
臺引流以深其池遂作冰玉之堂於亭之西北而繪劉  
公父子之像於其上且問陳忠肅公嘗館於此也則又  
繪其像以侑焉既而所謂是是堂漫浪閣者亦以次舉  
而皆復其舊既成使人以圖及書來屬予記予惟異時  
承乏此邦亦嘗有意於斯而不克就今披圖考驗尚能  
憶其彷彿固喜曾侯之敏於事而能有成矣抑予又有  
感焉近歲以來人心不正持身者以同流合污爲至行  
任事者以便私適己爲長策其聞劉氏父子之風不唯  
而罵之者幾希矣欲其能如曾侯一以表賢善俗爲心

而不奪於世嘉定閒知軍趙師夏建六老堂元爲總管  
習豈可得哉  
府至正閒總管孫天民建譙樓元末兵燬明初知府孟  
欽卽故址創建同知王禕改建六老堂於廳事後王禕記  
蓋之上也後世因起凝然而止者曰廬山禹貢所謂  
數淺原也後世因起凝然而止者曰廬山禹貢所謂  
先生隱其上故復名匡廬而世又稱之爲廬山也蓋自  
崑崙分支南爲衡嶽以作鎮荆楚既又分支者二東南  
爲五嶺而東北爲廬山山之悠遠聚之頓特鍾英精粹  
高也而扶輿旁礴之氣來之悠遠聚之頓特鍾英精粹  
結體嶢峭故望重於世昔人以衡廬並稱之然其陰土  
燥石枯岡阜並出以扼大江東來之勢是爲九江其陽  
則千巖萬壑土水秀潤是爲南康當山之西來也其勢  
方崇而遽止爲峯者五嶄然雄絕爲五老峯五老之  
散爲羣岡皆蜿蜒南行二十里前臨彭蠡乃止其中一  
岡所止獨稍後南康郡治在焉卽郡治而望之其左旁  
諸岡迢流前揖而右抱狀若城郭五老列其後如屏幃  
然相傳郡故濱湖爲治其徙置今所實始於朱考亭先  
生大著其遺愛之在人餘蹟之在物距今二百年故未  
於廳事之東偏名之曰六老蓋以先生配五老而爲六

也鳴呼自天地間闢卽有茲峯而南康出中爲路由路  
爲府前後爲守者不知幾何人而後人獨以先生與諸  
峯並稱是區區者誰實使之故宮闕之克齊禹湯文武  
周公相傳之道至於孔子乃集其大成孔子二程復續其傳而道以  
曾子思孟子而遂成朱子之道所謂窮天地亙古之實  
至於朱子又集其大成朱子之道所謂窮天地亙古之實  
而永遠長存者以之配茲峯而爲稱固出於人心之實  
見非偶然也人何十年以來兵火浩劫郡治廢久不  
加理祿來同知府事乃請於行中書省得擢治廢屋之  
沒官者五楹建於廳事之後仍以六老之名名之詩曰  
高山仰止景行行止固亦承學西國之志也是役也前  
知府呂侯司今知府孟侯欽及通判羅君道理經歷徐  
君泰知事魏君權皆協力贊成之元年是爲記洪武九年  
未夏四月十二日則成之年月日也是爲記

知府安智增修宣德五年知府劉麒重建正統四年知

府翟溥福重修天順五年知府陳師正重建謙樓政敏

建謙樓記南康郡建於太平興國三年而謙樓之建不

知其所始然有郡必有門有門必有樓以限內外魯觀

瞻郡邑之通制也元至正間郡守孫侯大民重建謙樓

而虞伯生記之謂郡治本宋乾道所創後至元乙亥燬  
焉則是樓之與郡治同建同燬而至是重建也明矣又  
謂是樓兩端爲臺崇十有八尺樓於上屋三間有左右

翼臺之基至屋之極通五十八尺今舊樓之高蓋如孫  
侯之舊而閒則增其上下俱以木爲之蓋孫侯之所  
建又燬於元季之兵燹而是樓則我國初之所建也既  
乏刻石之記文又無題梁之歲月其創始之先後作者  
之姓名皆不可考矣樓上有扁題南康府三大字洪武  
十三年知府安智立則是樓也豈安侯之所造歟父老  
云是郡無城郭而當要衝自元季盜起人民逃散以府  
治僑寓於他所其地遂爲虎狼之窟穴人迹罕到自郡  
治北接廬山二十里間皆巨木森然成林時爲郡者以  
土工難成而大木易得因去舊臺而悉以木構焉然皆  
松材也外爲風雨之所飄零內爲蟲蟻之所蠹食不數  
十年朽壞傾歆歷數官不能更作則取他木旁掖之姑  
幸其永仆以障內爾無復壯麗之觀也余到官之初  
屬吏白云樓之某樞將折某梁將壓若不支且仆矣余  
往視之信然數其縱橫撐拄之木則已過舊樞之數不  
可復加矣則喻之曰姑俟余徐圖之吏皆嘆其難越數  
年予修石隄畢工頗有餘財始議重建而節推張君選  
力贊成之於是三邑鉅室聞之亦有願助資以相成其  
事者召匠計之咸以爲松木易盡宜易以他木而其長  
且大如舊樓之棟者不可得也若築臺爲甃上構以木  
則規模壯麗可永久僉以爲然乃啟窳陶甃鳩工運  
土而市材於旁郡不踰時畚鍤斤斧並手齊作經始於  
天順三年之秋九月張君自督役而司獄虛思聰陰陽  
正術梁轟實左右之迨四年之三月而土木之工告畢

惟陶瓦取之南昌違期弗至未克覆焉適春夏霖雨連旬臺面之水橫潰四出於是臺旁新築之甃漸圯詩余已得請致仕而張君亦以九載秩滿去官方以弗成厥工爲懼旣而大理評事西蜀雍侯浩來代與同知楊君振通判孫君智議代茅以覆樓而取各審之餘甃革廢寺之舊石與兒甃相兼命工重葺之現舊知縣爲日委余曰見公之緒也不可不文以記之臺之崇如舊而下樓凡五開旁有夾室共爲檻土間樓之左有爲臺東兩舍三十六間每間高一丈三尺深若干間昔于東西兩向而列凡從事於郡者人長一間咸以爲便蓋成之日郡史蔡誠等請書其事於石而未暇今因記庶幾其書於未俾來者有考焉

成化七年知府曹凱重建大堂六老堂愛蓮池亭正德六年廳事燬知府劉章重建嘉靖閒知府李純修譙樓萬厯二十九年知府余照重修愛蓮池亭

國朝順治十年知府薛所習重葺六老堂康熙十年知府廖文英重建譙樓十三年遭土寇燬十四年知府倫品卓重修咸豐三年燬同治十年知府盛元重建

謝志



通判署舊爲理刑廳署在譙樓西康熙八年通判倫品

卓改建

謝志

經歷署在通判署西明洪武三年知府孟欽建

府志

提督學院行署舊在府治東康熙十四年知府倫品卓  
遷建於府學後雍正十一年知府董文偉改建於府治  
西百步許嘉慶十二年修咸豐三年燬十年知府龔翔

雲修復

謝志  
府志

都司署在府治南

府志

星子縣署在府治南宋太平興國三年始建紹興中縣  
令史龜年建三不欺堂於廳西毛策建養鹿堂於廳後  
明洪武初知縣葛俊德重創五年知縣朱敏建譙樓永  
樂九年知縣王用建榜亭宣德五年知縣楊鐸重建正

廳正德三年知縣王淵之重建譙樓嘉靖間火知縣阮朝隨重建萬曆十七年知縣陳經重建儀門二十年知縣吳福重建三不欺堂改延賓堂爲虛己堂

國朝順治十二年知縣黃秉坤重修大堂康熙三年重修儀門八年知縣劉星重建譙樓六十年知縣毛德琦李鳳翥修成豐三年燬同治七年知縣藍煦移建於城西

南隅德星門內

謝志縣志

典史署在舊縣治儀門內東

縣志

青山司巡檢署在青山鎮下灣舊爲長嶺司在縣治東

北延慶院故址雍正七年移駐

縣志

渚溪司巡檢署在渚溪鎮舊爲左衛司雍正七年移駐

縣志

校場在東門外二里咸豐八年知府龔翔雲籌費建廳

府志

都昌縣

上諭亭在考棚左乾隆中恭建同治七年恭修府志

知縣署舊在王市鎮去縣北九十里唐武德中遷今所  
宋紹興中縣令周綸重修明洪武初知縣項仲宣周象  
賢重建後知縣俞真木下同趙元暉永樂成化宏治間  
知縣呂英趙廷麟李朝綸相繼修正德十六年知縣徐  
鉞撤而新之嘉靖二十二年知縣胡嵩因東西角樓燬  
易樓為石門隆慶五年知縣周廷韶重修崇禎九年燬  
十三年知縣楊寅旭建大堂

國朝順治六年知縣朱咸修重建吏舍康熙十年知縣李

翼凡重建頭門譙樓及川堂後廨雍正乾隆間知縣張

以珪朱嵩沈有瀾先後修葺嘉慶十五年知縣陳煦重

修大堂

謝志府志

縣丞署舊在縣治內雍正九年移駐張家嶺

府志

典史署在縣治左

謝志

周溪司巡檢署在治東六十里周溪鎮舊爲柴棚司雍正

正八年移駐

謝志府志

分防外委把總署舊在小南門外康熙間移建大南門

內

縣志

考棚在磨劍池旁嘉慶七年改建學宮以學宮舊址建

縣志

建昌縣

上諭亭在縣治東一里舊按察分司故址縣志

知縣署在仰止門內城西隅宋嘉泰中知縣趙時通建

元燬於兵元貞開改爲州明初知州趙有慶建譙樓明

以譙樓記建昌州治之前舊有譙樓其上則伐鼓鳴角

行化而集吏民肅賓客焉至正壬辰州燬於兵樓不復

存前知州孫郅劉侯貞嘗重建其廳事而樓以費鉅不

克爲今知州真定趙侯有慶居官之明年州事既簡乃

始鳩工掄材而作新之爲屋三間列楹二十其崇三十

有九尺雄壯宏麗幾倍其舊既成趙侯僚佐以洪武

士民具瞻江山改觀於是乃稱其所以爲州者矣洪武

戊申二月壬寅朔其落成之年月日也初趙侯將興樓

役余方佐郡南康以其事告余余謂侯曰第成之吾當

記之耳及成侯使來告曰樓成矣願爲記余乃不辭而

伯國門觀之設所以昭示等威宣布教令禮之眾視古侯

者也得爲而不爲則失於儉不得爲而爲之則失於僭

君子無取焉爾矣建昌之有譙樓揆之於禮其在所得

爲實由趙侯爲政練敏而周裕能使民以時而同知盛

君思道判官奚君萬里協志一慮力贊其謀故其役雖

鉅而民不病功不逾時而績底於成是其可書也已

尋復爲縣洪武三年知縣倪恭建正廳八年知縣梁松建吏舍永樂二年知縣張文建後堂宏治十七年知縣李如圭重建縣堂

國朝順治六年燬康熙三年知縣馬驊重建大堂後廳咸豐六年燬七年知縣王必達重建同治九年知縣陳惟

清復修

謝志  
縣志

縣丞署在大堂東

謝志

典史署在大堂西

謝志

考棚在縣署之東同治十年知縣陳惟清率邑紳捐建

縣志

安義縣

上諭亭在縣治東

縣志

知縣署在城內大唐寺前明正德十三年設縣南康府  
通判蔡讓等創建中爲正堂顏曰牧愛左右爲庫庫東  
爲贊政廳東西六曹前爲儀門又前爲譙樓余祐安義  
昔聖王德足覆冒天下而邦畿之大乃止千里外此則  
裂土分封不勝其多何也公天下之心固不視爲己有  
而地廣民眾澤難充周堯舜猶病博施濟眾況其餘乎  
自秦廢封建設郡邑民失常主任令者率以所居爲傳  
舍更值疆域袤廣中人材力遂多滲漏民果奚賴也或  
是故舉建諸侯而寡其力賈生預慮七國之良謀也均  
分郡邑而小其疆豈非恤民保治之善策乎安義縣境  
舊隸建昌總一十六鄉其去縣治最遠者曰安義南昌  
卜隣控鶴依仁五鄉境南接奉新東接新建西插靖  
安隣邑有不逞者率以其地便於隱匿而五鄉無賴或  
從而黨之此盜之所以聚也宏治年間首賊徐九齡徒  
從既眾拒敵官兵正德戊辰逆瑾擅威毒痛元元於是  
奉新靖安賊勢猖獗五鄉醴源等處亦各有賊應之遠  
邇騷然時則監察副使宗君璽督兵剿伐五鄉大姓若  
楊振黃元受彭尚文等家各懷桑梓之憂共率子弟族  
屬佃從輔翼官兵一乃心齊乃力遂禽賊首而其黨未  
盡平眾欲乘勝屠之宗君執不可曰嗜殺人者必干和  
氣恐致他變孰與分縣治安輯反側俾自新乎於是五

鄉之地就其所謂大塘者設縣治以爲民極藩臬諸君  
 僉謀既定疏奏報可適巡撫都御史孫公燧下車之旬  
 慨然行之深慮盜以民貧而起若更勞費民之力則非  
 所以弭盜也而工役浩繁勢難從省乃多方措畫凡可  
 佐其費者小則便宜行之大則具奏取決於是錢一不  
 敏於民而事克濟矣遂屬金憲王君晴生覩奉命決江  
 建昌令方鐸相歸省陽通刑部主事楊君厚奉命決江  
 北獄事竣便道歸省陽通刑部主事楊君厚奉命決江  
 善處大小乃偕方令至大塘舊有姓而主事楊君厚奉  
 自高而後分列前後橫壘而大江之流砥柱其南折旋  
 繞東然後長逝四面諸山環拱近卑而遠高五支俱平  
 衍膏潤分明形勢之美可想見矣乃以中支爲縣治爲  
 府館中後一支爲官衙再後二支爲察院爲布按分司  
 爲城隍廟中前一支爲文廟儒學再前二支爲民庶虛舍  
 聚焉經畫既定公宇一區各具門郭堂寢廡廊宇一  
 審正厥位凡爲公宇一區各具門郭堂寢廡廊宇一  
 舍監房周繚以垣若陰陽醫官養濟院預備倉同不完  
 美經始於正德丁丑秋九月逾年成黃春三月遂告落  
 成督憲孫公泊巡按屠君倫請縣治雖設當有名稱安  
 義雖專一鄉名義實美且不失舊制以土請竟不易焉  
 新篆印記軍置官僚而縣令王賦初梓檄至未幾遂罷  
 去府判林寬署掌邑事銳意有爲若泮池射圃起運舍  
 街渠更鋪以久舉行時治基雖定猶未城也而邑侯希  
 陵熊价至毅然以爲己任越明年政通人和呼父老而



謀之曰作邑所以爲民也邑而非城如防民何乃量其  
高廣計其所費伐石於匠氏造碑於審戶取市地償而  
給散之均百姓之力而搬運之民不苦勞矣然就緒其  
四城有門急遞有鋪龍津有亭南北壇壝之牆屋鄉賢  
名宦之祠堂類皆侯之餘事也至是十室之邑百度具  
舉煥然維新五鄉之民罔然瞻仰昔之盜賊今皆化爲  
良善矣楊君偕予同官廣石因屬予追歲久圯萬曆三  
十八年知縣楊三省重建改牧愛曰忠愛

國朝順治八年知縣陳宗義建譙樓十七年知縣王宗聖

增建思補堂康熙十年知縣陳肇重修正堂并建退公

堂於思補堂後道光二十四年知縣潘尊賢重修咸豐

六年燬八年知縣蔡忠淇重修

謝志縣志

縣丞署舊在縣治左久裁順治十七年復設移主簿廨

在縣治右

縣志

典史署在縣丞署南

謝志

分防把總署在南門內學宮左

府志

考棚在縣署右道光十二年邑紳公建

縣志

### 九江府

上諭亭在泰甯坊

府志

分巡廣饒九南道兼九江關監督署在文明門內梅花  
庵左舊在湓浦坊左爲鈔關署明景泰二年主事李椿  
勛建宏治閒主事白金建樓五楹曰明遠主事李世亨  
俯江結亭三閒曰廣視嘉靖元年主事李經奏遷海天  
隄北繼至者以荒遠詢盜復移舊署明末燬

國朝順治閒主事張文明重建門樓廳事主事溫良璞建  
書室主事吳之樞建後樓乾隆閒監督伊齡阿建九思  
堂乾隆四十三年巡道由饒州移駐九江監督關稅

廠改關署爲道署咸豐三年燬同治二年署道蔡錦青

移建今所

謝志

府志

知府署在城內西北隅相傳晉郭璞建基

唐獨孤及江

記古者國有史氏君舉必書倚相董狐史鮒史歸卽其人也秦已來國化爲郡史官廢職策牘之制寢減記事者但用名氏歲月書於公堂而春秋椅机存乎屋壁其來舊矣是州也在荆之域於潯之陽江從岷山東注渤潑洪濤至是派分爲九而廬山溢水周乎雉堞洞庭彭蠡爲之襟帶故自晉元康訖於梁陳出入五代四百餘載世稱雄鎮且曰天府匪親匪賢莫荷其寄唐自有人下六合一軌設險斯廢惟民是卹則命官擇任與列郡等矣至德已來戎馬生而楚氛惡猶以是邦咽喉秦吳跨躡荆徐而提封萬井岐路五裂每使臣計郡縣之用入調軍府之儲峙望節旁午引書絡繹走閩越而馳於越必出於此路而防虞供應功倍他郡故亦大其任而難其人今年春渤海封公繼踐厥位夫爲政猶工之攻木也得於手應於心則盤曲擁腫迎刃而解況美材乎故公以發矟之利導勝殘之俗布政三月而人從又每歎曰茫茫舊壤千載在目觀乎版築則灌嬰之業朗而存焉披乎國牒則溫太真庾元規之車塵若可覩焉義甯已來百四十有九載曩斯位者風聲相聆軌躅相躡

前賢後賢崇如貫珠善惡成敗我之元龜酌而行之  
 吾師存焉於為九江郡故老鳩其氏之存者凡若干人  
 揭而書之以來庶官以便宜制事大嶽小重江州司馬廳記  
 自武德以來庶官佐之職移於部從事故自五大都督  
 職總於上中下郡司馬之職盡去唯員與俸在凡內外  
 府至官左遷右移者遷居之資高者不任事而時  
 文軍府者遙著之凡仕久資高者不任事而時  
 寺不忍棄者實莅之益之者進不課其能退不殿其不能  
 才不才一也若有人養志適不名安於獨善者處之雖終身無  
 日不樂若有人養志適不名安於獨善者處之雖終身無  
 閭官不官繫乎時也適不名安於獨善者處之雖終身無  
 江湖土高氣清富有佳境刺史守土臣不可以遠觀遊羣  
 吏執事官不敢自暇佚惟司馬綽綽可以從容於山水  
 詩酒閒由是郡南樓西北樓西林寺泉石松雪司馬盡有之  
 澤布廬宮源潭洞東西二林寺泉石松雪司馬盡有之  
 矣苟有志於吏隱者捨此官何求焉按唐典上州司馬  
 秩五品歲廩數百石月俸六千七百官足以此身食足以  
 給家州民康非司馬功郡政壞非司馬罪無言責無事  
 憂噫為國謀則戶素之尤盡者為身謀則祿仕之優穩  
 者予佐是郡行四年矣其心休休如一日二日何哉識  
 時知命而已又安知後之司馬不有與吾同志者乎因  
 書所得以告來者時元宋開禧開州守余崇建元

至正六年總管劉恆增建十二年兵燬二十五年經歷  
李仁仍舊趾修復明洪武元年知府龔琬二十三年知  
府林崇德正統六年知府林超成化間知府趙祺相繼  
修宏治三年知府童潮改創正德十六年知府王念建  
譙樓

國朝順治六年知府周璜重建譙樓九年知府王孫章重  
建層樓乾隆三十六年後知府王均伍拉納斐成達桑  
阿先後修嘉慶十一年知府方體修二十二年知府朱

榮重修謝志府志

同知署在府儀門左明洪武元年建謝志府志

經歷署在府治西通判署前謝志唐符載江州錄事參軍之

於郡縣紀綱也車轄也綱弛則目疏轄抗則裁輸政之  
成敗亦猶是也自漢魏以還歷江左郡有督郵主領後

魏北齊後周隋文州有錄事參軍煬帝時罷州置郡有  
 東西曹掾主簿國朝省掾主簿復為錄事參軍其於勾  
 稽失糾謬省鈔自守符印一州之能否六曹之榮悴  
 必繫乎其人其人也其人強其務舉其人固其務其  
 實豈容易哉況陽古郡也地方千里江漢九派船錢  
 粟帛動盈萬數加以四方士庶旦夕環至駕車乘舟  
 數聯櫓威猛則騰口以飛訕阿懦則毀非而生謂其  
 之得九難其人饒西李尹少昌切玉刺錦之利也恰  
 強毅當官而行其於公家也不掩善以蔽才不聽過  
 貸非不苛細以作煩不關略而破方剛柔疎敏雅得  
 度絲是官府有程華案牘無異之政來領此郡內用  
 是時郡守李公以鉅鹿超異之政來領此郡內用六  
 外理百姓使人人門戶興行孝睦井賦均一然後容  
 郡閭時與羽衣逢掖講黃老言其法上事牧守下督  
 司而不領故李君得以息心奉法其餘枝葉節目委  
 賜於中發於外人無閒言也夫士無貴賤尊有道也  
 無大小觀有政也苟素餐碌碌俾躬處厚祿難多亦  
 以為是宜書錄事之美於壁間聳善而微不肖薰春  
 之微旨矣先是此庭此宇荒涼褻黷端士不履今  
 有脩竹左右有廊廡穆然清邃皆自我焉聊紀述之  
 遂以李君為首亦所以重績而新慶也

提督學院舊無行署乾隆八年知府施廷翰始就城東

元妙坊兵備道廢署改建嘉慶二年郡紳重修咸豐四

年燬八年復建

府志

九江新關在西門外濱江同治二年長江通商始建

府志

案

九江鎮總兵署在府治東明都察院公署

宋劉克莊端平江闢題名

望記江西帥昔治洪州建炎省方始以朱丞相勝非爲  
安撫大使治江州而洪都兼安撫使如故其後詔從洪  
守高衙之請同移於江洪之守臣止兼江西兵馬鈐轄  
隆興升府屬復於洪而江州行太守事隸馬端平二年  
春北師深入疆吏告急上慨然遠覽中興舊規命僉樞  
魏公了翁督視江淮安撫使知江州以參贊軍事及黃  
侍郎黃公伯固江西安撫使知江州以參贊軍事及黃  
公去而直賓文閣陳公壇實來修江防蒐軍實結民心  
厲士氣用能耕歲之閒亢列城爲大府張弱勢爲強形  
暇日命韓愈爲觀察使王仲舒記滕閣事俾某筆之某  
州刺史韓愈爲觀察使王仲舒記滕閣事俾某筆之某  
雖文墨愧愈然寶文公賢逾仲舒況閣之建能重於閣  
之廢興此之營繕急於彼之登覽因不敢以淺陋辭惟  
得陽據天壘之中上聯夔郭下接昇潤自昔立國江南

者之所重晉以庾亮溫嶠第一流人臨之嘗試惡高而  
望江山思歷其盛心偉識遠忠餘烈有未泯者高皇帝  
移闕之宏樞聖天子經武之英算可謂深且遠矣東以  
屬城事統府設有羽檄猶當悉厥賦以從執軍禮以見  
其何敢有愛於區區之文乎顧承命紀事詞機而核他  
日公獎率三軍犄角諸鎮乘風聲鶴唳之勢夫蒙衝闕  
艦之捷某雖衰憊草露布上尚  
書作凱歌破樂府尚可勉焉

國朝順治六年九江鎮總兵楊捷改建康熙間改九江協  
副將署嘉慶五年以九江協移南昌改南瑞鎮總兵爲

九江鎮移駐九江仍爲總鎮府

謝志府志

前營遊擊署在校場右

府志

前營守備署在校場左

府志

後營遊擊署在都府巷

府志

後營守備署在南門內

府志

城守營守備署在鎮江樓側舊爲水師營同治八年改



府志

校場在府治東南隅明正德閒兵巡道馮顯建廳六楹

後燬

國朝順治七年總鎮楊捷重建府志

德化縣署在府治西南崇儒坊晉永興元年置於江州

之西相距一十五里地名故州隋開皇閒因水患遷今

所唐宋建置無考元季燬於兵明洪武元年知縣張康

泰因舊址勅建四年知縣陶遂增永樂八年知縣符銘

重建後知縣毛道信馬聰陳敏汪琦相繼修宏治五年

知縣朱麟重建朱麟記德化城鄉計不十里計不百戶

邑也然居江右要衝之地上下往來者絡繹不絕館穀

之需御送之勞較之大邑則反倍焉為其邑之事者不  
有賢府侯振於上則其政之難為難勝而幸其時之  
也麟奉上命來知此邑常愧其才之弗勝而幸其時之

有遇也九江主府政者慈谿童侯先麟至此五年百姓  
服其化久矣邑中之政劇者省之勞者節之綜理咸良  
吾屬得以從容於撫字之間一日以縣之治事廳堂敝  
壞殊弗稱觀瞻親至邑相視調度發府餘財若干命麟  
創新改作規模視舊高廣加倍渾堅亦勝之煥然亦子  
男國之治也首事於安治五年之秋明年仲夏告成麟  
謂魯人作長府閔子謂何必改作聖人取其言之有中  
至於修泮宮復閔宮奚斯作頌聖人皆以為是而錄之  
於經何也蓋興作有宜不宜也長府貨財之所故宜仍  
舊閔宮泮宮禮樂之區未可倣之而弗新焉泮宮閔宮  
既不以為嫌況出政治以行禮樂之所乎邑治增建則  
國朝洪武改元知縣張泰康四年知縣陶遂正統天順  
州縣馬聰陳敏也百餘年來數尹漸成之室而童侯在  
我邑一旦新其敝陋以為民瞻居是室以聽政者可不  
知乎明末燬

國朝康熙五年知縣張應午重建四十八年知縣張近光

雍正十年知縣張思恬修乾隆三年知縣景思毅改建

吏舍十八年知縣高植三十年知縣蘇橋四十四年知

縣沈錫三修

謝志  
府志

典史署在縣治儀門內東謝志

孤塘司巡檢署在縣東南四十里廠泊右舊為城子鎮

司雍正二年移駐府志

小池司巡檢署在縣北十二里乾隆二十三年自城子

鎮移建府志

城子鎮司巡檢署在縣北三十里乾隆五十一年復設

今移赤松鄉港口鎮府志

通遠驛丞署在甘泉鄉府志

德安縣

上諭亭在北門內街雍正七年恭建縣志

知縣署漢為厯陵縣唐貞觀八年改為蒲塘驛楊吳順

義七年始為德安縣治宋淳熙八年知縣劉允迪重建

元至大四年達嚙噶齊保義烏呼納原作日忽難重修十二

年燬明洪武三年知縣鄭剛仍舊陞創建正德十年知

縣陳錦建譙樓嘉靖元年知縣李時重建正廳儀門後

堂萬曆五年知縣劉鐘建問政堂明末燬

國朝知縣牛森改建車祖殷任調輻增修康熙四十五年

知縣李楚建治廳廊廡門庭咸豐四年燬九年知縣管

紀勳修復謝志府志

典史署舊在儀門外東乾隆十七年典史毛濂重建於

小西門謝志府志

瑞昌縣

上諭亭在縣署西北雍正十三年建縣志

知縣署在灋溪北漢爲赤烏鎮南唐始爲縣在今治西佳林橋

宋嘉泰三年知縣洪均偃遷建元至順四年達魯噶齊  
伊拉瑪丹原作亦刺馬丹增修元末兵燬明洪武二年知縣黃  
顏仍舊址創建後知縣李鳳劉從正劉仁宅唐綸相繼  
修宏治三年圯知縣潘日厚重修正德九年知縣黃源  
大建譙樓明末燬

國朝順治四年知縣連起鳳建十九年知縣劉景泉重建  
譙樓康熙十年知縣江皋建郵廳於正堂前并建梅咏  
樓種花堂於後雍正三年知縣黃增厯改修乾隆四十  
五年知縣吳子魁重建嘉慶間知縣陸肅鴻知縣趙增  
相繼修葺道光二十三年知縣王訓復修謝志府志

典史署在縣治東明嘉靖間建

國朝康熙七年典史謝毓聯重建謝志

肇陳司巡檢署在肇陳口雍正九年知縣陳於揆建

府志

### 湖口縣

上諭亭在通濟門內孝感坊乾隆五年知縣趙作霖恭建

縣志

知縣署在中團坊古鄆陽鎮南唐始爲縣元至正七年縣令張士熙重建十二年兵燬明洪武元年知縣郝密鼎仍於故址創建三十五年知縣程叔武重修天順四年知縣謝和復建宏治間知縣汪明增建譙樓嘉靖三十七年知縣沈韶建石坊於儀門左右明末燬

國朝順治四年知縣黃基昌重建十五年知縣喬鉢重修康熙三十二年知縣楊大鯢建蔭松堂五十五年知縣鍾濤改建乾隆五年知縣趙作霖重建復舊制六年知縣安績祖闢後山建後軒咸豐三年燬十年知縣殷禮

詳請以考棚作衙署以舊署趾建學宮另建考棚於治

西

謝志  
府志

典史署舊在縣廳右順治二年移主簿廢署咸豐四年

燬同治間移建於縣署頭門內左

謝志  
府志

長江水師總鎮署在澄清門內壘開嶺左同治九年建

縣志

長江水師遊擊署同治八年建

縣志

彭澤縣

上諭亭在文明門內山左

縣志

知縣署漢晉時置於彭澤鄉唐武德五年徙於涪州故城南唐昇元二年遷於小孤江次東南山下卽今治元至正八年主簿福僧重建十二年兵燬明洪武元年知

縣黃安泰仍舊隄建德政廳明恕堂及儀門吏舍正德六年知縣何士鳳撤而新之顏堂曰牧愛嘉靖十八年知縣林時暢重修二十六年知縣劉廷賓建廳三間顏曰節愛

國朝康熙十一年知縣喻良重修乾隆三年知縣李松泰

修建

謝志府志

典史署在治左明宣德間建

府志

馬當鎮司巡檢署在縣治北三十里新興鄉明洪武十六年建

國朝嘉慶十八年巡檢陳漢九重修

府志

南安府

上諭亭在治東乾隆三年知府游紹安大庾知縣沈懋學恭



建同治七年知府黃鳴珂恭修

府志

知府署在南門內宋爲南安軍治至道元年知軍李夷  
庚建綠陰亭紹興十三年知軍吳暇改建後知軍趙衍  
都潔李聞之乾道間知軍向士俊方崧卿相繼修後林  
椿建此君堂李大正建挹秀亭元爲本路總管府順帝  
至元五年達嚕噶齊蘇爾達實哈雅原作小雅修至正間  
同知薛理重修明洪武元年知府張元祚二年知府于  
潤珪增建成化間張弼建清和堂吟風弄月臺宏治間  
鄧應仁建君子堂

國朝順治三年燬四年知府袁士美重建顏堂曰忠愛十  
年知府莊正中重建君子堂康熙三年知府范時秀修  
十年知府李世昌重建清和堂雍正初知府蕭義宗修

乾隆十二年知府游紹安修譙樓建約齋二十三年知

府程瑛修北樓咸豐八年燬同治元年知府周汝筠重

建二年知府黃鳴珂增建

謝志府志

同知署在水南城西門內明崇禎五年建

國朝雍正間圯於水乾隆三年重建三十三年同知朱文

佩修

謝志府志

經歷署在府大堂東咸豐八年燬同治六年知府黃鳴

珂改建於城西豐備倉

謝志府志

照磨署在府堂西咸豐八年燬同治二年知府黃鳴珂

重建

謝志府志

提督學院行署在縣學宮左康熙四十一年署府安玉  
調創建乾隆七年改建東西考棚道光六年知府張錦

府倡捐重修咸豐元年燬同治七年知府黃鳴珂重建

府志

府志

縣志

附宋黃庭堅南安試院木芙蓉

正盛

開戲呈道

輔問說

君家好兄弟窮鄉相見眼俱青

偶同

一飯論三益

頗為諸生醉

六經山驛已催乘傳馬

曉窗猶共讀

書螢霜花留得紅妝面

酌盡

中竹葉瓶

參將署在府署西舊布政分司行署康熙初改建雍正

十一年圯乾隆三年參將黃正元修咸豐八年燬同治

二年知府黃鳴珂重建

府志  
縣志

守備署在參將署西守禦千戶所舊陞康熙十一年守

備賈重臣建雍正開圯乾隆八年守備甘洪章重修咸

豐八年燬十一年守備胡功成重建

府志  
縣志

大庾縣署在府治東大街本布政分司故陞舊在城外

東南一里無城郭環署以垣宋靖康元年燬紹興十年

縣令梁岳修元至大開徙城內總管府東至治閒以縣

故址爲蒙古學明洪武三年知縣張宗明於廢學址復立縣治宏治十年知縣李芳虞與知府毛智議遷今所因徙分司於三皇廟嘉靖十四年知縣李廷選增拓前爲儀門大堂曰牧愛二堂曰清慎勤後爲內廡大堂東爲贊政廳西爲架閣庫縣庫冊庫監獄前爲吏舍天啟三年知縣陳九錫重修

國朝康熙七年知縣胡淮增修道光二年燬知縣時式敷重建咸豐八年燬十年知縣李福源重修大堂同治二年知縣景運泰重修頭門儀門四年知縣陳蔭昌修賓

館

謝志  
縣志

典史署在縣儀門東乾隆十年典史劉琨重修道光二年燬知縣時式敷重建咸豐八年燬十一年知縣李福

源重修

府志  
縣志

鬱林鎮司巡檢署在黃泥巷舊在聶都明洪武三年建

正德十三年割聶都隸崇義移駐浮江隘嘉靖十六年

移今址

謝志

赤石鎮司巡檢署在峯山里明洪武二十二年建

國朝咸豐八年燬旋修復

謝志  
縣志

小溪驛丞署在城南山坡半里許明洪武四年設

府志

南康縣

上諭亭在城北隅同治三年知縣汪寶樹恭建

府志

知縣署在城北隅初在今治西南宋時遷移廨宇未備

大觀宣和間規制始立景祐初縣令陳升之增修紹興

間燬於寇令趙公瑾新之清熙十五年令譚景先增建

紹定元年岡寇焚令戴翼復新之

鄭霖記環百里以爲

班憲度非美輪奐峻墀序以務適長民者之起居宴樂

也按西漢地理志豫章十八縣南楚居其一焉隋唐開

南楚不復見而南康名蜀著自皇宋淳化元年始置南

安軍而南康屬焉封域所至東南嶺西南大嶺西北上

猶東北萬安峽嶺時其南界信豐黃土嶺盤其北界龍

泉山谷峻深溪澗綿互北界處四境之中章水繞秀

峯壁立閘閘深溪澗綿互北界處四境之中章水繞秀

門閘垣塘池沼固壘無比環向大族巨室頗有高其

壯觀戊子洞寇舒謝倡亂公私賸舍焚蕩幾盡明年寇

再踰踐煨燬無餘令尹三山戴君先爲信豐尉有能聲

來攝邑事尋辟爲真令簡生有膽氣民視爲趨向連年

寇賊不驚張出沒無常令視民瘡屢使捄扶休養調護

晝夜不輟終未罷安集又明年冬上特命京湖議軍三

山陳公瑛以大理丞持斧節制二道行營兵馬不勳建

色誅公瑛卒以大理丞持斧節制二道行營兵馬不勳建

安陳公瑛卒以大理丞持斧節制二道行營兵馬不勳建

宣條教號召離散是歲大稔而相度故阻中建廳事翼

以廊廡外爲樓爲門內爲宰爲軒治獄有所寅賓有所

文書有所司錢穀有所退政而休息有所一仍前規無

增損令不迫而人樂從政不擾而功克集既落成無

顯借留三年可想見人情所在矣鳴呼令何以得此於

民邪

庚寅秋霖問津橫浦謁令於廳治堂下綿葭數椽

乙巳

乙巳

乙巳

乙巳

乙巳

淒然如寄既而班荆對酌於蕭寺相與升虛望遠到眼  
 無非瓦礫為之咨嗟太息以為何時復見太平官府令  
 曰是無難也吾先民所急民亦急吾所先欲固民志吾  
 居不可不就他日幸如所欲為願公識之霖曰諾吾識  
 易耳君宜自力辛卯夏郡檄霖白事憲臺見令畫於牆  
 而鳩工取材焉僅營其一又三月自曹院校士回再見  
 向欲經營者俱遂矣瞻顧駭愕然嘆曰信矣其能也  
 歟嘗從而思之昔者楚邱始遷衛人避狄息石之時也  
 意者愛護基本宜有以安之定之方中作於楚宮民不  
 以為勞以逸道使民故也蓋物賸而後有聚聚之者必  
 建城市營宮室以處之築室百堵而聳斯飛非小役也  
 不能不勞民而動眾也識者憂焉夫取民之材而不怨  
 用民之力而不困古無有也今也能使之不怨不困咸  
 悅以趨豈有術以驅之乎夫民愚而神其自謀也審矣  
 鴉音曉曉既毀我室君將綱繆牖戶而無風雨之患必  
 有為之保障也賊依之者可聚廬託處而無憂者矣然則令者  
 民之保障也賊依之者切資之者深歟是不容無高祐  
 言書之所以著其志凡坐此堂而布政者勿忽焉高祐

七年攝縣事陳鳳十一年邑令劉夢祖相繼修葺元大

德四年達嚕噶齊額森哈雅原作也先海牙復葺六年詣都喇

大加改葺元末兵廢明太祖甲辰年元至正二十四年縣丞吳

德基重建知縣卞政修景泰正德間縣丞朱瓊知縣黃  
璋相繼修嘉靖三十一年知縣高萼萬厯十八年知縣  
趙日崇俱加修葺三十年燬知縣沈肇元重修崇禎十  
二年知縣張正色重建大堂儀門

國朝順治三年燬八年知縣韓樂草創後署修葺大堂十  
九年知縣鄭思魯建譙樓康熙三年知縣陳暉增修三十  
九年知縣王材成重修四十八年知縣申毓來重建瑞  
露軒咸豐五年知縣周汝筠修同治三年知縣江寶樹  
改建川堂

謝志  
縣志

典史署在縣治西南今在縣大堂西

謝志  
縣志

潭口鎮司巡檢署在縣東北四十里明洪武三年建

國朝順治三年燬康熙十四年巡檢李世明重建

謝志  
縣志



相安鎮司巡檢署在縣北百六十里明洪武三年建

國朝順治三年燬康熙二十五年巡檢李廷光重建四十

八年巡檢董子音增建謝志府志

分防把總署在南門內順治三年兵燬改建都察院公

館同治七年把總陳定魁修縣志

考棚在城東南隅道光八年邑紳創建十六年知縣王

駟咸豐十年知縣周汝筠同治十年知縣沈恩華先後

增修縣志

上猶縣

上諭亭在東門外資壽山下雍正十三年知縣李鴻邦恭建

縣志

知縣署在城內興賢坊舊在今治西南宋紹興二十二

年縣令王同老重修紹定五年縣令胡泓因築城徙今

治元至元十六年燬大德六年縣尹魏義復建延祐元

年縣尹巴顏徹爾原作伯增廓之黃文傑記巴延

諷風土與沿革之由僉曰爾東南界南康西界湖南北

界龍泉溪洞廣袤而邑落其中民以山深而俗亦以

山深而藏寇唐天祐乙丑邑人盧光樹刺虔州建議上

猶場辛未黎球代光樹使判官李照制南康西南地置

寺北時盜賊蜂起廷玉能保障之軍功大振歷任二十

四年前後義詔二道南唐昇元庚子累官銀青光祿

祿大夫國子祭酒人誦其功於石者誠欲以激勸後

人之善於保障也保大王子始升場為縣迄今三百四

十五年中鄰封寇起民各奔避及寇平民歸難火其廬人

興如故令乃倡民起陳守於灰燼紹定壬辰邑令胡泓

徙縣築城德祐丙子元帥達春驛離城七十有

二日勿克己卯二月賈參政至諭以城降時邑令李中

異與居民李梓發等仍營眾固守至十五日城陷邑由

是改名永清屬行省罷邑土黃桂開草創邑治於劫灰

之餘招撫遺民僅存七十有二至元庚辰再隸南安復

名上猶大德壬寅邑令魏義起梳剔重建公署以新

蒞治之所今亦瓦老木臺矣惟公圖之公曰善選相休  
倡僚佐官吏於十月起工重修邑治典史黎茂佐之繼  
以木路照磨張景儀分符抵邑及新甯蘇吉共完厥功  
越二月事竣邑人請記其事余故樂爲書之時泰定二  
年七月朔日也明洪武三年知縣劉天錫改建宣德中知縣林

元美重建有清心堂清風樓知縣章爵鄺懷德重修

國朝雍正八年知縣李鴻翔建三餘堂乾隆八年知縣周

肇岐增修嘉慶十六年圯於水知縣許師賢重修道光

十四年復圯知縣王修地錢伯璵相繼修復二十九年

知縣岑蓮乙增建咸豐六年燬謝志府志縣志

縣丞署在營前乾隆十七年建府志

典史署舊在縣署東北隅今遷治東嶺北道舊址嘉慶

十六年圯典史鄭長脰修復謝志府志縣志

分防把總署在南門內卽府行署址康熙十二年改建

縣志

營前把總署原在營前城外後移北門內

縣志

上信地把總署在營前西四十里道光二十六年移駐

鵝形墟

縣志

考棚在東門內城隍廟左道光二十三年知縣許琛倡

捐建

縣志

崇義縣

上諭亭在縣治東乾隆元年知縣曾士蘭恭建同治五年知

縣馮寶山重建

縣志

知縣署在南門內明正德十二年建嘉靖間知縣祝澍

拓基重建贊政廳左爲儀仗庫後知縣陳俊增建萬厯

間知縣劉汝芳建桂華亭林際春增修明季圯

國朝順治十七年知縣甘爾翼重建大堂康熙三十三年

知縣張爲煥復建譙樓乾隆十八年知縣范泰恆重修

譙樓三十年知縣羅洪鈺改建道光十八年知縣錢伯

璵重修譙樓咸豐十一年知縣郭宸同治三年知縣吳

鴻慶修九年知縣周長森重建吏舍

謝志府志縣志

典史署在大堂東南隅順治三年燬康熙四年典史方

文聰重建二十七年典史程光奎增建

謝志府志

金坑司巡檢署舊爲上保巡檢司距縣一百二十里乾

隆十七年移駐

謝志縣志

鉛廠司巡檢署在聶都上街距縣一百二十里舊在縣

西四十五里鉛山乾隆二十年巡檢沈瑚創建咸豐六

年燬七年巡檢陳書遷建下街

謝志府志縣志

長龍司巡檢署在縣西四十五里尚德里江頭後移駐

長龍乾隆二十二年知縣范泰恆申請仍移江頭府志

都司署在縣治西一百二十里縣志

分防把總署在南薰門內東把總陳奉建縣志

校場在北門外舊有亭縣志

### 贛州府

萬壽宮舊在府城隍廟右乾隆間改建於鬱孤臺南道光十

二年贛縣知縣慶恩恭修同治七年巡道張岳齡知府

王德固恭修府志

分巡吉南贛甯道署在府城南舊爲南贛巡撫署明宏

治八年都御史金澤建前爲露臺賓館門屏坊額左爲

射圃堂曰抑抑曰燕居軒曰思歸曰仕學樓曰宜南亭

曰無逸曰君子曰觀德何喬新贛州新建巡撫院記皇

寇郡縣有司不急捕其勢寢熾嶺南湖湘之不逞者從

而和之四出剽掠劫富室燔民居掠希藏殺官軍閭然

爲東南郡縣忠有司始駭而圖之備其東則發於西勅

其南則竄於北時鎮守江西太監鄧原暨巡按監察御

史布按三司議以爲盜之未平由政令不一而鄰境有

司不肯協心故也宜設巡撫憲臣置司要地以節制之

而割附近郡縣以隸之則盜易平迺具奏其事皇帝俞

其請爰命大臣慎選方岳重臣有牧民御眾之才者授

之得廣東左布政使金公澤遂遷都察院右副都御史

俾巡撫江西兼督閩廣湖湘之地置司於贛而割江西

之南安贛州福建之汀州廣東之潮州惠州南雄湖廣

之郴州隸焉四省三司皆聽節制賜之璽書許以便宜

行之事公至贛舊無巡撫治所於是鎮守之璽書許以便宜

奉敕巡撫一方兼督四省事理至重不可無建牙駐節

之所適請於朝鉤校府庫羨財市材餽匠命副使談君

俊參議李君魁卽贛城庫中擇地營之前後堂各五間穿

堂兩廂大門儀門廊廡各若干開堂左建後樂堂東則

建賞功所大門之外立撫安鎮靜二坊牌屏牆之南又

立三司廳以爲巡守兵備會議白事之所經始於宏治

八年十月落成於明年閏三月穹堂峻宇高閣崇墉規

制壯麗他鎮所未見也凡政令之布賞罰之施皆在此

諸帥出兵受律獻馘亦在此郡縣百司政有張弛亦必

至此白之然後敢能行焉而贛遂爲重鎮公既莅政盜  
遁姦革兵民以安既而巡按湖廣監察御史曾君昂建  
議謂韶州地險民饑且於湖惠鄰近宜以隸公朝議皆  
以爲然遂以韶州屬公所轄公以贛有巡撫院實自今  
始以書屬喬新記之竊謂自昔帝王疆理宇內固貴乎  
任用得人然政令必出於一昔漢有西羌之警命趙充  
國出鎮雖強悍如辛武賢者不得撓其策宋有西蜀之  
變命張詠出守雖驕貴如王繼恩者不敢拂其言此二  
公所以能成功也夫以數郡之地分隸四省政令不一  
心力不齊安能成功乎聖天子納用羣策舉而付之於  
公自東徂西延袤數千餘里皆受節制廟謨宏且遠矣  
今公祇奉綸音以節鉞鎮茲要地朝下一檄而諸藩奔  
走恐後夕馳一使而列闕罔敢差池異時羣盜屏息四  
境晏然豐功偉烈銘彝典而垂竹帛豈直追蹤張趙二  
公已哉公字德潤由名進士散歷中外所至有賢聲  
所謂有牧民御眾之才者公眞其人也遂爲之記

國朝康熙四年裁巡撫遂爲巡道署十四年間粵梗化江  
西巡撫移駐於此事不還省巡道丁煒移駐建甌園於  
署左乾隆中煨巡道素章阿重建嘉慶二十五年巡道  
汪全德修道光十七年署道觀瑞重修甌園二十四年



二十六年巡道李本仁兩次修葺同治八年巡道文翼

重修屏坊及內外廨宇建道庫鑿水池五謝志府志

知府署在城南隅舊為嶺北道署明成化二十三年僉

事李轍從鬱孤臺移建副使楊璋王度邵煉舊志增修

董天錫嶺北道題名碑記國家稽古建官各守其職不

得相侵常制也常制之外復審時勢機宜許兼職以便

行事若今之兵備得兼分巡是已兵非邊境要害不設

其隸嶺北者惟南贛二府接壤閩廣郴桂多荒山長谷

窮民嘯聚為盜時或有之泉司每歲巡歷糾察奸弊斷

理刑獄而未有兵權倉卒遇患難於調度成化丁未廷

議設專官禁禦而督以都憲大臣上俞其請四境賴以

無虞而分巡則仍歲厯憲使宏治壬子始以兵備兼分

巡事歸一而勢易行上下相安蓋無遺法顧兵憲交代

不常而公署未有題名誠為缺典嘉靖己亥春文舉俞

公以憲副莅贛乃請於前中丞王泉王公今中丞胡堯

吳公搜集前任名氏自李公轍始至公凡二十人列名

樹碑於廳事之左使前有傳而後可續公之用心厚矣

哉君子負經濟之才而見用於世必廉慎公勤始克有

濟然善取諸人疾省諸內又修治之所當知者前此諸

公之政豈無有盡善在所當法者乎亦豈無有未善在所當戒者乎一覽之餘取舍兩得是碑之立似亦有益於公非徒爲文具矣公舉正德丁丑進士兩任有司三轉風憲皆著聲稱屢膺薦剡所謂廉慎公勤者其名位所就豈止此哉

國朝康熙九年改設南贛道二十三年南贛道丁煒移署

虔院二十九年知府任進爵乃改爲府治左有抱翠樓

五十一年知府黃汝銓建堂於樓前歲方大稔顏曰喜

豐雍正五年知府高遐年建箭亭乾隆二十三年知府

柏超三十九年知府吳山鳳四十一年知府賈忻相繼

修復設清獻堂額明劉鴻重修清獻堂記贛古虔州也

勝雄於嶺北唐宋來類多名宦遺愛弗緩嘉祐中趙清獻公知郡革姦數和疏鑿水道吊恤鰥孤善不殫紀周

茂叔先生時爲通判握手同寅邦績用熙而河南程氏

兩夫子者因從之游名賢過化流風餘韻赫赫如昨日

事國朝洪武中聿新邵治爲堂其北以休養棠榜曰清獻示景行也互南百步爲後堂於儀門左則又合清獻

周程而以三賢名歲久風雨震淩危不可宇前此所司  
方圖之而未即緒成化癸卯適柳陽王侯廷珪以奉議  
大夫來領茲郡至則剔蠹刮譌興陋補弊民瘼而起吏  
矇而矚顧瞻茲堂斯夕中惕喟然歎曰趙清獻之功德  
在民心其未泯乎何至是也迺荒迺葺爰舉是役需出  
公帑之奇力出召募之徒工出四方之備不競不弛籌  
畫咸自己出不數月而成上大夫羣謁焉皆曰王侯光之  
動聲色而舉大役如此為之歌曰赫赫清獻王侯光之  
翼翼三賢王侯張之有崇其堂王侯荒之民力志之甘  
棠詠思曷其議之請勒石詔示方來侯固拒再四乃以  
記俾予鳴呼清獻距國初三百餘年而侯固拒再四乃以  
餘年乃重作於侯天時人事宜若有待焉者繼茲茲土  
者不有慕其為人如今日者乎登茲堂而有憾高山嘉  
仰止世得清獻而治之度民其世為清獻之民哉

慶六年知府修仁修建大堂七年知府博起修大門吏  
舍九年知府陳煦修二堂三堂十年知府汪云任修題  
大堂曰治安二堂曰植本二十三年知府王藩二十七  
年知府周玉衡先後修同治五年知府王德固十二年  
知府魏瀛重修

謝志  
府志

通判署在龍南觀音閣前舊在府治左推官署趾道光三年由府城移駐大湖江二十八年復由大湖江移駐

府志

經歷署在北坊湧金門康熙五十三年經歷李希鈴捐

建道光十四年水圯趾存

府志

照磨署在天一閣後

國初創建乾隆三十二年照磨鄭燧修

謝志  
府志

提督學院行署在城北隅鬱孤臺之麓本贛州府署創自宋州守趙忭至明萬厯閒燬者三知府徐應奎重建國朝康熙二十九年府治遷巡道署遂以此爲試院三十九年知府謝錫袞增建兩翼爲東西文場乾隆七年知府汪宏禧建前後楹道光十年火十一年知府汪云任

修復謝志府志

關廠明正德中在湧金門外龜角尾後改東西兩橋盤

掣

國朝仍舊制設廠於此稅房五門共七所府志

南贛鎮總兵署在城東南舊爲察院行臺明嘉靖中胡

慥建

國朝順治四年總兵柯永盛改爲署同治十一年總兵王

永勝重修謝志府志

中營遊擊署在南街府志

守備署在八角井府志

左營遊擊署在鬪富巷口府志

守備署在光孝寺旁府志

後營都司署在關帝廟右府志

守備署在大佛寺前府志

城守營都司署在靈通廟前府志

校場在鎮南門外明正統十二年指揮僉事馮廣建正

德十三年都御史王守仁增建營房

國朝道光十四年知府汪云任修府志

小校場在城南隅府志

贛縣署在城東北舊在白家嶺元大德三年移今治至

順三年達魯噶齊嘉琿達原作總管教化司修旋燬明太祖甲

辰年元至正二十四年知縣崔天錫重建後知縣陸賢增修宣

德七年知縣李素景泰五年知縣邵听相繼修成化閒

知縣何文縉建皆春堂宏治四年知縣黃世忠嘉靖元

年知縣何正修後燬

國朝順治十六年知縣楊文正復建康熙元年知縣王枚  
增建二十年知縣劉瀚芳四十七年知縣楊玠復修乾  
隆十四年知縣張熙乘建宜樓於署後十八年知縣沈  
均安修又建青龍亭於驛左嘉慶十九年知縣劉臻理  
重修道光二十五年署縣王訓修內外廳堂及署前屏  
牆東西二坊同治九年知縣黃德溥修

謝志府志

縣丞署在城東坊卽倉大使舊署舊在縣治左宋酒熙

閒建

曾丰重建丞廳記額爲縣古矣本朝太平久自紹興迄今五十年開兵一再變百廢俱燼縣治且復

故丞冰廳也最後葺之陽其山秀絕爲崆峒縣治丞簿廨密焉丞居其正凡廨得山爲對難矣況正又秀麗

此好事者所羨也故葺後輒爲臺府二幕屬述假更勝丞力不能相挽抗姑餽市廬以居其廳葺否未嘗問何

暇推曷閱幾丞來與去閱幾歲月黃胡君鎬以下連三丞改秩去好傳致者或謂崆峒宜丞也丞委之似不知

德崆峒者孫君逢辰於是出力焉  
連兩丞改秩去好傳致者舉謂崆峒宜丞矣夫丞漢秩四百石爾不足取重於人故少有名士類不屑爲或爲之上官脫其銜往往易其人故少有獲進者偶有焉又轉而德崆峒山鳴呼士爲世出顧所立何如所立是進不進非所計者丞甯有重不重山甯有宜不宜哉庚子臘余來賦丞事按令首問常平錢穀曰隸於州丞不與也次問陂池曰贛泉田也無以陂池爲難若事大抵於邵丞理之稅青苗併一歸簿至獄訟令又自任丞喪手可也每坐曹呼吏索常行署罷踞繩牀對崆峒哦五七言詩以消燕閒佳客至卽留與商略飢共餐不擇糗共歡不擇瀟主入倦輒臥不知客在客喜知謹譁不知主人在癸卯臘吏以終更告余不覺其久也太息之次吏又追記癸之爲丞猶及識者以告曰今閱五十二年凡閭十七丞矣倘自紹興浙轄之始爲縣又不知閱幾丞寂無聞余重太息來爲丞者衮衮十百千年後浙至今亦不覺其爲久也余雖自磨策願未知終有所立否若不爲可考者遺之安知不與紹興興浙至贛之始爲縣類邪當又三太息不止也乃疏其所得於吏之姓名刻於左幸來者續焉

國朝康熙三十九年缺裁署廢乾隆十九年裁倉大使復

設縣丞移署於此

府志



典史署舊在縣治左後在北坊湧金門內今遷縣治右

府志

大湖司巡檢署在章水鄉大湖江道光三年通判移駐

創建二十九年又移龍南觀音閣以大龍巡檢移駐府志

桂源司巡檢署在雲泉鄉桂源鋪明正德間遷攸鎮今

遷烏兜謝志府志

長興司巡檢署在愛敬鄉石院舊名磨刀寨巡檢署在

長興鄉磨刀鋪謝志府志

雩都縣

上諭亭在起元坊雍正十年知縣傅誠恭建府志

知縣署在南門外創自唐貞觀開宋紹興九年縣令董

達循故址建紹定三年寇燬令曾東之重建元至元五

年監邑瑪哈瑪

原作馬哈麻

新之明洪武元年知縣宋宏改

正堂及頭門上爲譙樓成化二十一年知縣羅肆增建  
後堂宏治四年知縣黃文鉞九年知縣高容十三年知  
縣邵元瓘正德四年知縣劉天錫相繼新之萬厯十一  
年譙樓災知縣劉昌祚建額曰勤政中爲牧愛堂左爲  
贊政幕後爲四知軒爲忠愛堂崇禎九年圯知縣鄭楚  
勳重建額曰作新

國朝康熙三十二年知縣趙懋修四十三年圯知縣盧振  
先重修乾隆十五年知縣左修品修保黎堂嘉慶五年  
圯八年知縣徐培修道光四年知縣黃濬修闢味根圃  
於堂左咸豐六年燬邑人蕭金錫捐修同治五年譙樓  
圯邑人蕭黎照捐修

謝志府志

典史署在縣治大門內明知縣宋宏建謝志府志

興仁司巡檢署舊名平頭寨在縣東北一百里宋紹興

開岳忠武飛創設謝志

分防外委把總署在城隍廟右舊社學府志

真君閣防汛署距縣百里在安富長興之界府志

考棚在承流坊嘉慶十五年知縣雷學淦牛廷炤創建

咸豐七年燬同治六年知縣顏壽芝修復府志

信豐縣

上諭亭謹案據縣志信豐未建亭嘉慶十三年知縣劉萬勝始恭錄上諭懸於大堂

知縣署在城東隅唐天寶元年建宋紹興四年寇燬縣

令彭令建嘉定二年又燬縣令陳梓建元至正十二年

燬縣尹崔思孝建明洪武永樂正統閒知縣趙仕宏張

穎謝洙先後修東爲幕廳西爲寶藏儀仗諸庫建譙樓

顏曰澄清胡儼重修譙樓記信豐縣譙樓始自元至正

久傾圯今令建德謝洙重修之然起一邑之瞻仰新

田巡檢宗明額宗敘視其壯觀告於令曰斯樓成功不

易苟無文宇載之何以示後乃寓書於鄉人南昌學訓

邵汝能來徵記樓之制廣七間高三十尺始事於正統

丁巳三月十七日訖工於本年八月初八日凡材木匠

石之費皆令之俸積也樓成前臨南山後峙浮屠碧桃

之水繞其東九日之岡盤其西規模傑特驚阿輩飛月

碧照映於溪山之閒起積廢於一新誠可紀矣夫誰望

也一日樓之別稱譙樓爲門上爲高樓以望故美麗之

樓爲麗譙世傳是樓魏武所造豈角三弄乃曹子建所

撰所以警人於昏曉之閒使之感悟而有入境州縣

節度使辭日賜雙旌變節行則建節立大纛入境州縣

立節於樓迎以鼓角今都縣有樓或置鼓角不出過且鼓

與息之候耳又嘗聞李衛公軍城及野營日出沒時鼓

千起凡三百三十爲一通鼓音止角音動角音十二聲

爲一疊三角三鼓而昏明畢角音十數與子建實符今

信豐之重建斯樓也於以出治教於以集吏民於以書

雲物皆有關於斯樓豈徒然哉若夫時和歲豐民物康

阜令與賓僚登斯樓覽觀山水從容宴樂以正德九年

咏歌聖化慶幸遭逢於太平之世不誠盛歟

知縣黃天爵顏其堂曰忠愛嘉靖二十三年知縣沈學建思補樓

國初兵燬順治十一年知縣陳誥創建楊宗昌繼成之東為縣丞廢廨康熙三十五年知縣方正至改為冰潔堂乾隆四十一年知縣潘汝炯改建顏堂曰容保五十年五十八年知縣吳士瀉汪啟緒先後修嘉慶十三年知縣劉篤勝重修同治七年知縣周之鏞修

謝志府志

典史署在縣治東北隅順治十一年知縣陳誥重建楊溪司巡檢署在楊溪堡陂頭墟距縣一百八十里考棚在清平門內所坡上大王廟左道光三十年邑紳

府志

公建

府志

興國縣

上諭亭在訓導署右雍正閒知縣梁聯德恭建

府志

知縣署在城東南隅宋太平興國七年建慶厯閒縣令程珣改建譙樓慶元閒縣令解僖修明洪武至嘉靖知縣賈思復馮欽張廷珪曾文煥黃泗李菽廬二相繼修葺萬厯九年陳文銓以會昌教諭來署縣事又新之三十年知縣何應彪重建譙樓

國朝康熙八年知縣王璋改建廳事顏曰懷保十七年知縣黃惟桂增修四十五年知縣張尚瑗次第營修內堂舊曰四知尚瑗以朱子牧愛堂捐本易之又建學海堂

梁機學海堂記吳江張損持先生甲申春由詞臣出宰興國將之官其太翁君以先生初試民社眷然有念也先是宋河南程公珦著續其地至明嘉靖開海忠介公瑞繼以有聲於是太翁君進先生命之曰踵名賢之後其則不遠然程高矣海當學海所為極難也先生奉庭訓以學海額署東堂其明年太翁君就養來署又諄復

斯言嗟乎斯言也其期先生以所學者甚遠且大而海也乎哉松栢佳木也其必至於十圍千尋穿雲蔽日而後爲高林之大觀江河受百川之水惟其力能匯而趨歸於海是故尊之以爲濱君子之學則以至乎聖人爲極聖人不能驟至而以爲量則雖稍不及乎聖人其學亦不容以遂已今置其所甚高而姑勉力於所難豈所以期先生亦豈先生所以自期者乎而太翁君之意則固有在矣夫程氏父子之學明體達用純乎醇者也而南渡之儒不善學之惟靜坐觀理則常用純乎醇者爲境山砥節粹白較然不欺其志然剛激峭張於性情中和之旨不無微憾太翁君不欲明指諸儒學程之未能庶幾以阻後來之志又知忠介少有所未足而處難爲之時其毅然不顧之志又知忠介少有所未足而處難其旨曰高曰難而當學老成鄭重苦心而補救今先生之道或出或處必相時勢之難易以爲之補救今先生之時與勢視忠介適相類而學之云者亦曰前之人旣已行而窮學者之事也夫以先生之賢歷之盤錯以著其才鍊之政事以懋其功驗之心性隱微之地以觀其合口新歲益進而彌上以直溯姬孔之源流則海且瞠乎其後卽程亦豈能限以所至嗟乎人皆可以爲堯舜先難後獲誕登於岸其太翁君額是堂之微旨也夫

隆五年知縣徐大坤重修譙樓嘉慶二年知縣謝袞士

八年知縣俞之鈺先後修道光二十二年知縣余瑋重

修

謝志府志

典史署在縣治前今移治右舊主簿署

謝志

衣錦司巡檢署在衣錦鄉六十三都康熙三十八年巡

檢張士奇建

謝志府志

都司署在縣治東卽舊嶺北道分司公署雍正七年改

建

府志

考棚在縣治東嘉慶十八年知縣俞之鈺建

府志

校場在北門外二里許

府志

會昌縣

上諭亭在老東門內

府志

知縣署在城北宋太平興國七年建紹興四年升爲軍



軍使趙汝回增建譙樓元世祖至元中寇燬大德元年

改為州達噶噶齊拜布哈原作別重建程從禮記嶺之

為縣大元疆理江右以縣遠居東南上游壤接閩廣邊

微重地非大其名不足以控遠居要衝大德元年升為州

瑞金附焉先是會昌屢罷兵革城市若莽居民鮮少雖

聽政有署而規模狹陋長吏先後受事至者率多因循

無振舉之志承平既久風氣浸昌居里者庶以蕃化萊

蕪而阡陌矣受塵者蓄以饒易菲茨而薨瓦矣若乃公

署繕完時則有才猷偉特者出而圖之杏山拜布哈公

忠貞胡上顧瞻棟宇摧折堂廡翳圯無以稱具瞻夙興

夜寐惕然疚懷詢於僚屬於是遐邇景從帝庾委積地

有眾一聽其願自獻勿慙於杉梓勝用微匠石則四方

乏材木則購雪邑得梗枏是遐邇勝用微匠石則四方  
斧鑿揮霍聽命走使役徒魚貫蟻緣啤嘯曳舉無庸以  
磨鼓督其趨也治堂而陽規制法故而斤大之中設正  
廳三楹左連重屋為幕廳正廳前翼以兩廊六曹書吏  
東西列居甬道前鐘鼓以警夕典幾累塹崇墉峻級闕  
樓刻漏以明時嚴鐘鼓以警夕典幾累塹崇墉峻級闕  
中為途以達往來上施層構線以闢檻棖棟明洪武十  
枅拱文鏤焜煌閱期升而堂宇門廡告成

一年災洪熙元年知縣鄭銘重建景泰五年知縣陳容

增建成化十六年知縣梁潛嘉靖十三年知縣李章修  
萬厯四十三年知縣冒夢齡改門南向設屏牆天啟四  
年知縣梁宏修仍改東向後燬

國朝順治十二年知縣黃洵建康熙元年知縣王志鏊九  
年知縣王凝命增建四十七年知縣董霏修顏堂曰勤  
政五十二年知縣黃鶴文乾隆間知縣戴體仁修嘉慶  
二年知縣陸謨孫重修道光十七年知縣徐燧二十七  
年知縣金安世修

謝志  
府志

典史署在縣儀門西康熙三年典史紀統綱重建

謝志

筠門司巡檢署舊爲湘鄉司在邑南八十里雷公塘乾

隆三十年移駐

謝志  
府志

都司署在羊角水舊爲守備署明嘉靖二十二年建

江陰縣志卷之二十九 廟宇三  
國初燬順治八年重建

府志

分防把總署在南倉內乾隆七年建後圯同治六年重

建

府志

考棚在縣治東街舊院司地嘉慶十七年知縣曾暉春

建

府志

校場在縣西南一里許大甫田右一在羊角水堡城北

一里許明萬歷四年遷湘水北

府志

安遠縣

上諭亭在治南雍正十三年知縣戴彬暢恭建

府志

知縣署在城北唐貞元四年創建宋元屢燬明太祖丙

午年

元至正二十六年

知縣李玉重建永樂至正德知縣林性

陳佑江濬甘文紹劉瑀相繼修宣德間知縣李處仁建

望昕亭嘉靖九年知縣劉信增建顏廳事曰公明後堂  
曰忠愛

國朝順治八年知縣牛天宿重修十七年知縣倪衷復繼  
修康熙二十一年知縣于作霖建挹青館於堂東重修  
譙樓乾隆四十二年知縣林作楫五十七年知縣馬龍  
旂相繼修嘉慶七年知縣周吉士十年知縣楊振綱丁  
奇琯修二十五年知縣黃文燮建觀稼亭道光十四年  
知縣朱錫鈞建自省軒修大門屏牆二十五年知縣文  
煥增建咸豐六年燬七年知縣張仁法修復謝志府志  
典史署在縣堂右明宏治二年建謝志府志  
板石司巡檢署在板石堡明宣德八年建

國朝乾隆四十二年圯巡檢潘贊勳修復謝志府志

分防把總署在縣治西

府志

考棚在大南門內道光十六年知縣陳雋創建

府志

龍南縣

上諭亭在西門內乾隆十八年知縣梁其光恭建

縣志

知縣署在城東北隅南唐保大中縣令蕭經建宋紹興

中寇燬隆興中縣令段秀實建慶元中縣令孫端懿新

之元至正二十四年災明太祖丁未年

元至正二十七年

知縣

辛持敬建未幾寇燬洪武十五年知縣盧濟建宏治四

年知縣張文修正德十一年儀門災知縣盧鳳建嘉靖

四十二年贛撫陸穩以地勢低下檄令龔有成改建隆

慶三年知縣邵元高繼葺堂廨倉庫譙樓禁獄萬曆五

年知縣王繼孝建寅賓館毓桂軒

國朝順治七年知縣賈程誼改建十五年知縣高元國增  
建康熙五年知縣朱臨構君子亭二十七年知縣鄭世  
逢建嘉樹軒五十九年知縣徐上修屏牆門坊乾隆三  
年知縣方求義建省愆齋十八年知縣梁其光建得月  
亭三十五年知縣楊丕德四十五年知縣冷泮林增修  
咸豐十一年知縣謝紹德修儀門鼓樓同治五年知縣  
何訥重修

謝志  
府志

典史署在縣治左順治八年典史劉三傑增建咸豐十

一年典史吳錫純修

謝志  
府志

分防把總署舊在上西門咸豐九年署縣蘇需芬移建

下東門

縣志

長甯縣

上諭亭在阜成門內雍正十三年知縣陶正士恭建府志

知縣署在大街北明萬厯三年贛撫江一麟檄知府

葉夢熊知縣沈文淵建十年知縣徐充遷建鎮山樓下

國朝康熙七年知縣井廐修四十三年知縣朱騰蛟復修

五十四年署縣高成齡修五十七年知縣邵錦江遷建

預備倉舊地顏廳事曰忠愛前爲屏門顏曰履中又前

爲宅門堂左爲庫兩翼六房吏舍前爲儀門南爲常平

倉北爲監獄又前爲譙樓知縣黃鑑修乾隆四十一年

知縣李廷佑五十七年知縣宛建侯相繼修道光十五

年知縣恩需建習射亭於署左同治九年知縣沈鎔經

修譙樓謝志府志

典史署在縣堂左康熙五十七年知縣邵錦江遷建府志

新平司巡檢署舊在大墩堡順治五年遷建雙橋丹竹

樓十六年復遷雁洋坪歲久圯府志

分防外委署在陽和門內舊為長甯營署歲久圯嘉慶

二十五年遷建故址稍北左為協防公所府志

考棚在陽和門內嘉慶二十五年知縣李衢倡建府志

定南廳

上諭亭在治北分司前乾隆元年知縣李化龍恭建府志

廳署在南門內明隆慶四年都御史殷從儉檄知府黃

辰知縣陳瀾創建殷從儉新建定南縣記高砂下厝二

堡與嶺東岑岡接壤皆重巒峻嶺盤谷達峒頑廣之徒

多負險裂據自相犄角為三策宏治以來累勸累反

側不定者非其地去諸邑遙遠政教有不能及歟嘉靖

末年督撫吳克堯山公深為此慮一日集議嚴定諸峒之

策將官曰制有司曰撫乃並用其謀嚴參將蔡汝蘭勸

威下厝知府黃辰撫定高砂岑岡二舉隨議建縣為善



後圖而堯山以遷去未遑也隆慶改元之明年張鶴樓  
公繼總鎮首以此事謀之監司牒下有司議徧召諸父  
老詢之僉曰三巢何與下荆橫水爲聲倚下荆橫水之  
土非建崇義和平二縣民得至今安乎若循二縣故事  
又何足虞焉有司采其言以陳公疏其事以請制曰  
可賜縣名定南縣卽龍南高砂下懸橫江三堡安遠割  
大小石伯洪三堡信豐割南方上里員魚徑瀾及潭慶  
上堡龍頭嶺內坑諸鄉共分爲里凡四丁凡六百二十  
有奇糧凡六百七十有零適地理之中蓮塘之區創  
立縣治繕修城垣凡四百三十餘丈公解學宮鋪舍以  
次舉建約費公料七千八百餘金設知縣典史教諭各  
一員凡官吏俸薪馬丁門阜取諸贍興等邑之裁減充  
員生儒廩糧齎膳及祭祀鄉飲之費取諸沒官田稅一  
切徭役取諸龍南信豐二縣之裁革機兵其發堪散處  
四方者招復其故土餘孽仍舊窩者則休息之弟之俊秀  
力首率其徒聽撫者悉令徙居於郭內其子弟之俊秀  
者掄而羣之於學又疏濬潞河以通惠潮之商賈越三  
年夏諸務底績新民稍輯而余亦以通惠潮之行迄今岿  
餘余復承簡命叨總此鎮新民父老率諸子弟稽首較  
門其言邑里無復有鷄犬盜其俊秀之入學耆恂恂然  
若素習經業之儒生余訝而歎曰朝廷政教能化導人  
之速有若是哉監司大參施君率有司請爲之記余思  
建縣設官非爲強盜安民乎然漢時渤海下里之盜一  
刺史治之盜息且化卒爲善鄉何俟分邑分民而專轄

之以一令邪況近日郡縣往往盜發城市又可談之政  
教之所不能及邪然則民之理亂亦視有司何如人耳  
使有司匪其人縣固徒設也此鎮舊多盜竊自陽明議  
建和平崇義鶴樓議建定南則盜竊盡民壓矣余今日  
與監司守令計復有他議哉惟原二公所建縣之意  
撫新民而生資之使自樂為渤海之民可也不爾建縣  
之議不將為民庸者邪余故萬厯五年知縣鄒兆陽建  
記之與司民牧者共勸焉

來薰亭十一年知縣章營修

國朝順治六年寇燬十四年知縣祝天壽修復乾隆十一  
年知縣余應祥二十八年知縣黃恂修三十二年知縣  
吳煩建待月樓三十八年升為廳三十九年同知黃汝  
源道光五年同知宋思濂九年同知向培第修咸豐七  
年同知邱文光重修

謝志

典史署在縣治右

謝志

下厯司巡檢署在鎮守公館右舊在下厯城外明嘉靖

開移此

國朝乾隆間復移關帝廟右咸豐四年燬七年修復

謝府志

志

橫岡營都司署在下厯堡卽舊鎮守公館咸豐四年燬

七年修復

府志

校場在東門外又下厯堡橫岡堡小石堡大石堡各有

操場

府志

甯都直隸州

上諭亭在州治東雍正十三年知縣鄭昌齡恭建

州志

知州署在城之中隋大業三年

一作開皇十八年

建宋建炎紹

興淳熙屢災縣令劉瑾李時亨修復明洪武四年知縣

莊濟翁正統七年知縣陶元宗修成化二十二年知縣

金澗建譙樓正德元年知縣蔡夔十二年知縣王天與相繼增修歲久復圯嘉靖十一年知縣陳大綸撤而新之堂曰簡孚後堂曰明遠西爲思補亭又後爲四知臺東爲思莊樓又後爲愛蓮池

國朝康熙六十年知縣李治國改建廳事前爲露臺乾隆十九年升縣爲直隸州署知州戴宏度增建嘉慶十一年知州黃永綸修道光二年知州劉丙重修同治十年簡孚堂圯知州韓懿章建復

州志

州判署在州治頭門內左縣丞署改建嘉慶十四年州判章廷鈺重修

州志

吏目署在州判署前舊爲典史署咸豐七年燬吏目朱

綬修復

州志

下河司巡檢署在感惠里道光二年巡檢蔣曾灼修謝志

志州

參將署在鎮安街西順治九年建乾隆中參將黃天寅

增建三十三年參將陳毓瑞修志州

守備署在鎮安街東順治九年建左為軍裝庫乾隆三

十四年守備線坦修嘉慶十年守備李義元修志州

蕭田汛把總署駐清泰鄉志州

黃陂汛把總署外委署駐懷德鄉志州

蘆畚汛把總署駐太平鄉志州

固邨汛把總署外委署駐仁義鄉志州

考棚在城西南郊乾隆二十一年知州沈文建嘉慶五  
年水圮七年知州黃永綸倡捐重建咸豐七年燬九年

知州潘毓瑞率州紳修復同治三年又燬知州郭毓龍

率州紳再修

州志

校場在西郊外覆船岡下乾隆四年參將黃天寅守備  
潘以忠建亭咸豐七年燬八年知州潘毓瑞重修

州志

瑞金縣

上諭亭在城內城守營署左乾隆三十四年知縣金克誠恭

建同治十一年知縣梅雨田恭修

縣志

知縣署在城東宋紹興二十二年縣令聶子述循故址  
建元至正十三年災縣尹文中重建明初知縣曾仕魯  
復建正統中又災巡撫楊甯御史韓雍檄縣重建宏治  
七年知縣李綸正德十四年知縣鮑珉萬曆四十二年  
知縣潘舜歷修

國朝康熙十五年寇燬二十七年知縣李嘉卉修葺四十

九年知縣郭一豪重建五十九年知縣任雲修乾隆九

年知縣唐紀修建堂曰忠愛嘉慶十年知縣憚敬修

記府州縣用古諸侯禮大門皆臺門瑞金以閭為大門

為櫺三衣內曰儀門其始於唐之節度使後官寺皆曰

馬為櫺五有東西門即漢之閭門三公則黃之次內曰大

堂為櫺五有東西門即漢之閭門三公則黃之次內曰大

者曰承發古都吏口吏古功曹曰戶曰屯曰工古戶曹

曰禮古議曹曰兵古兵曹曰刑古決曹賊曹也次內曰

宅門為櫺三後漢書明帝紀云應門擊橐鼓人升堂古

者惟路寢有堂鼓其置路門其亦置橐如鼓之應鼓諸侯

門亦置鼓殿若應橐與鼓殿鐵警即方響南齊代鐘以

其以錐門路門應橐與鼓殿鐵警即方響南齊代鐘以

記漏漏五夜二十五點故名點次內曰二堂為櫺五有

東西廂為櫺四二堂之內曰上房為櫺七上房之東南

曰東上房為櫺三有東西廂為櫺二與上房同周垣古

謂之宮牆二堂之東曰庫房為櫺三古者庫在庫門藏

車甲後世無車甲所藏貨賄故內之乃府也而冒庫名

庫房之東曰東院為櫺三東院之內曰華廳以南曰後門房典謁居

馬西向為櫺六玉篇云廳賓廚也唐以後以聽事之所為

西廊為櫺六玉篇云廳賓廚也唐以後以聽事之所為

廳俱矣儀禮侯氏聽於天子曰聽事以決事為廳事亦  
非華廳東後室為籤押房漢曰畫諾君臣同辭唐宋曰  
畫黃曰押押者籤之南史籤前直敘所論後云謹籤月口  
押也宜押者籤之前曰前華廳為楹三華廳之後有周垣  
下是也華廳之前曰前華廳為楹三華廳之後有周垣  
垣以內南北各為楹三以處賓僚上房之後垣外迤西  
曰廚房為楹三自大門至廚房共八十有六楹嘉慶十  
年四月十一日至瑞金周視多頹損旋葺治之三閱月  
而功竣後四年去瑞金二十年知縣蔣方增建浮筠山  
為之記以告後之人焉

館於署東

謝志  
縣志

典史署在縣治頭門左明宏治中知縣李綸建

謝志  
縣志

湖陂司巡檢署在縣東八十里久廢移駐于田寨

謝志  
縣志

瑞林司巡檢署在縣西北一百里瑞林寨

謝志

永鎮營都司署在壬田寨

縣志

分防把總署在縣城內察院司左

縣志



考棚在綿江書院縣志

校場舊在縣北明嘉靖十八年改縣南隆慶四年知縣

呂若愚復改城西二里一在壬田寨離營署一里縣志

### 石城縣

上諭亭在崇聖祠左雍正十三年知縣楊志道教諭譚佐恭

建縣志

知縣署在城東隅南唐保大十一年建宋建炎初寇燬

縣令李杞修復燬令張博又修後令彭堯輔沈如遇相

繼修元至正二十四年兵燬明洪武元年主簿吳敬重

建正統景泰閒知縣鍾寶彭英修堂曰撫字後堂曰補

拙

國朝順治六年燬十年知縣郭堯京重建十七年知縣靳

闢然增建康熙十六年知縣王錫九建清暉堂二十一年知縣韋鍾炳重建三堂二十七年知縣萬丹詔建蕉雨軒四十五年知縣陳嘉重修乾隆四十四年知縣楊柏年修道光初知縣陳逢年增建二十七年火知縣金安世修復咸豐元年知縣周兆熊修七年燬同治元年知縣馬榮甲修八年知縣王運昌增建謝志縣志典史署在縣署大堂左乾隆三十一年典史江村建謝志縣志

志分防千總署在武廟後外委署駐大猷坪縣志

考棚在北關外琴江書院縣志

校場在縣南溫坊邨縣志

江西通志卷六十九